

## **Efterskolernerit 2009/2010 – 2016/2017**

### **Efterskolernerit 2009/2010 – 2016/17**

Ukiumi atuarfiusumi 2016/17 kalaallit Kalaallit Nunaanni imaluunniit Danmarkimi efterskolini atuartut 437-t aallartissimapput aammalu taakkunannga 337-it efterskolernernik naammassisaqarsimallutik. Naammassinninnerit procentiat annerpaaq Danmarkimi efterskoliinngaanneerpoq, taakkunannga aallartinnerit tallimaagaangata sisamat naammassineqartarput, Kalaallilli Nunaanni efterskoliini pingasuugaangata marluusarlutik.

Ukioqatigiiat qiviaraanni 1995 aammalu 1999 akornanni inunngorsimasut ataasiakkaat pingajuannit amerlanerit efterskolernermik aallartitsisarput, aammalu ataasiakkaat sisamaannik amerlanerit naammassinnittarlutik.

Ukiumi atuarfiusumi 2016/17-imi atuartut 75 pct.-ii ukiumi 16-inik ukioqalerfimminni efterskolini aallartipput, 18 pct.-iilu ukiumi 17-iliiffimminni efterskolernernik aallartitsillutik.

### **Aallartitsinerit kinguariartut**

Kalaallit Nunaanni efterskolinut nalunaarsuutit atuarfiit aallartinnerinit nassaassaapput, Danmarkimilu efterskoliinut nalunaarsuutit ukiumit atuarfiusumit 2011/12-imit aallartipput, ukiumi atuarfiusumi tassani efterskolernerit naammassineqartut aammalu unitsinneqartut immikkoortinneqarsinnaanerit pissutigalugu.

Ukiumi atuarfiusumi 2016/17-imi Kalaallit Nunaanni avataanilu efterskolernerit aallartinneqartut 437-upput, ukiup siulianut sanilliullugu 2016/17-imi aallartittut amerlanerupput. Efterskolernerit aallartinneqartut amerlanerpaat ukiumi atuarfiusumi 2013/14-imi 467-iupput.

**Tabel 1. Efterskolernerit aallartinneqartut amerlassusaat, ukioq atuarfiusoq malillugu**


	2010/11	2011/12	2012/13	2013/14	2014/15	2015/16	2016/17
<b>Efterskole Villads</b>							
<b>Villadsen</b>	87	82	88	93	88	86	88
<b>Maniitsumi Efterskoli</b>	-	75	69	67	79	74	78
<b>Qallunaat nunaanni efterskolit</b>	283	259	282	307	282	265	271
<b>Katillugit</b>	370	416	439	467	449	425	437

Najoqqutaq: Naatsorsueqqissaartarfik - Kisitsisaataasivimmi kisitsisit takukkit (<http://bank.stat.gl/UDESJA>)

Kalaallit Nunaanni efterskolini marluusuni ukiut atuarfiusut tallimat ingerlanerini efterskolernerit amerlassusaat 12-it angullugit allanngorarput. Qallunaat efterskolii ukiumi atuarfiusumi 2013/14-imi aallartitsinerit 307-iullutik amerlanerpaagallarmatali 36-nik ikinnerupput.

Ataani takuneqarsinnaapput ukiuni atuarfiusumi tallimani kingullerani ukiut agguaqatigiissinneri, 16-inik ukiulinnut, 17-inik ukiulinnut aammalu ukiunut allanut agguaallugit.

**Titartagaq 1. Efterskolernerni aallartinneqartuni ukiut agguaanneri, ukioq atuarfiusoq malillugu**



Nalunaarut: Ukiumi kisitsiviusumi ukiup naanerani ukiorisat malillugit naatsorsorneqarput.

Najoqqutaq: Naatsorsueqqissaartarfik - Kisitsisaataasivimmi kisitsisit takukkit (<http://bank.stat.gl/UDESJA>)


Ukiumi atuarfiusumi 2016/17-imi efterskolernernik aallartitsisut 75 pct.-ii ukiumi 16-inik ukioqalerfimminni aallartissimapput. Tamanna ukiunut siuliinut tallimanut sanilliullugu missiliorlugu 4 procentpoint-inik kinguariarneruvoq. 16-inik ukiullit agguaqatigiissinnerisa annerpaartaat ukiumi atuarfiusumi 2012/13-iminngaanneerpoq, tassani aallartitsisut missiliorlugu 79 pct.-iinik annertussuseqarlutik. Piffissami pineqartumi ukiumi 17-inik ukioqalerfimmi aallartissimasut agguaqatigiissinnerini missiliorlugu 7 procentpoint-inik siuariartoqarsimasoq. Ukiumi atuarfiusumi 2016/17-imi 17-inik ukiullit missiliorlugu 18 pct.-inik annertussuseqarput, tamanna ukiut atuarfiusut tallimat ingerlanerini agguaqatigiissinnerisa annertunersaraat.

Suiaassutsit qiviaraanni ukiuni atuarfiusumi kingullerni tallimani aallartitsinerni agguaqatigiissillugu annertuumik allannngortoqarsimannngilaq. Allannguut annerpaaq 2013/14-imi pisimavoq, tassani nukappiaqqat 54 pct.-ii imaluunniit nukappiaqqat 254-it efterskolimik aallartitsisimmata.

## Atuartut ingerlatsisut amerlanersaat Kommuneqarfimmit Sermersuuminganeersuupput

Ataani takuneqarsinnaavoq atuartut efterskolernernit ingerlatsisut ukiuni atuarfiusumi kingullerni tallimani amerlassusaat. 2016-it naanerani atuartut efterskolernernik ingerlatsisut 380-iupput.

### Titartagaq 2. Atuartut efterskolernernik ingerlatsisut, efterskolinut aammalu ukiumut atuarfiusumut agguallugit




Najoqutaq: Naatsorsueqqissaartarfik- Kisitsisaataasivimmi kisitsisit takukkit (<http://bank.stat.gl/UDDES.B>)

2016-ip naanerani Efterskole Villads Villadsen 68-inik ingerlatsisunik atuartuuteqarpoq, tamanna ukiumut siulianut sanilliullugu atuartumik ataatsimik kinguariarneruvoq. Piffissami pineqartumi Maniitsumi Efterskoli annikitsumik siuariaateqarpoq, ukiumilu atuarfiusumi 2016/17-imi ukiup nikkinnerani atuarfik 69-inik ingerlatsisunik atuartuuteqarpoq. 2016-ip naanerani.

Danmarkimi atuartut 243-t efterskolernernik ingerlatsisimapput. Taakku ukiumut siulianut sanilliullugu 19-nik amerlanerupput.

Ataani takuneqarsinnaavoq 2016-ip naanerani atuartut efterskolernernik ingerlatsisut agguanneri, illoqarfik kingornuik aammalu efterskoli malillugit

### Titartagaq 3. 2016-ip naanerani atuartut efterskolernernik ingerlatsisut, illoqarfik kingornuik malillugu



Nalunaarut: Naatsorsueqqissaartarfiup innuttaasunut nalunaarsuiffiani illoqarfik kingornuik atualeqqaarnerni uuttuutaavoq nutaaq. Atuartunut pingasut suminngaanneerfii paasisutissaqanngillat, taakkulu aamma titartakkami ilaatinneqanngillat.

Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<http://bank.stat.gl/UDDESBS>)

2016-imi atuartut 146-it Kommuneqarfik Sermersuummeersuupput, kommunilu taamaalilluni amerlanerpaanik efterskolernernik ingerlatsisunik atuartuuteqarpoq. Taakkulu atuartut pingasuugaangata ataaseq Kalaallit Nunaanni efterskolinik toqqaasimasarpoq. Kommuni Kujalleq efterskolernernik ingerlatsisunik 41-nik kommuunini atuartuutikinnerpaalluni atuartuuteqarsimavoq. Atuartut 117-t Qaasuitsup Kommuneaneersimapput, taakkunannga missiliorlugu 50 pct.-it Danmarkimi efterskolini ingerlatsisimallutik. Kommuneqarfik Sermersooq 2016-ip naanerani agguaqatigiissillugu amerlanerpaanik Danmarkimi efterskolertunik atuartuuteqarsimavoq. Atuartunit Qeqqata Kommuniainnngaanneersunit 71-iusunit missiliorlugu 30 pct.-it Kalaallit Nunaanni efterskoliiniipput.

### Atuartut sisamaagaangata aallartitsinerit pingasut naammassineqartarput

Ukiumi atuarfiusumi 2016/17-imi efterskolernerit 337-it naammassineqarput, taakkunannga missiliorlugu pingajorarterutaat kalaallit efterskoliininngaanerput.


**Tabel 2. Ingerlatsinerit naammassineqartut amerlassusaat, ukioq atuarfiusoq malillugu**

	2010/11	2011/12	2012/13	2013/14	2014/15	2015/16	2016/17
<b>Efterskole Villads Villadsen</b> .....	74	68	70	60	66	54	53
<b>Maniitsumi Efterskoli</b> ..	-	46	35	32	50	50	59
<b>Qallunaat nunaanni efterskolit</b> .....	253	235	257	253	226	214	225
<b>Katillugit</b> .....	327	349	362	345	342	318	337

Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<http://bank.stat.gl/UDDESBS>)

Ataani takuneqarsinnaavoq ukiuni kingullerni naammassinnittarnermut procentip agguaannera, atuarfiit malillugit. Efterskolit ataatsimut naammassinnittarnermut procentiat qiviaraanni ukiumi atuarfiusumi 2016/17-imi missiliorlugu 77 pct.-imiippoq. Agguaqatigiissillugu annertunerpaq missiliorlugu 82 pct.-imiilluni ukiumi atuarfiusumi 2012/13-iminngaanneerpoq. Agguaqatigiissillugulu annikinnerpaq missiliorlugu 73 pct.-imiilluni ukiumi atuarfiusumi 2016/17-iminngaanneerpoq.

#### Titartagaq 4. Naammassinnittarnermut procentip agguaannera, efterskolit aammalu ukioq atuarfiusoq malillugit



Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<http://bank.stat.gl/UDDESA> aammalu <http://bank.stat.gl/UDDESJ>).


Efterskole Villads Villadsenimi aallartitsinerit tamakkerlutik 2/3-ii ukiuni atuarfiusuni kingullermi tallimani naammassineqarsimapput. Agguaqatigiissillugu annikinnerpaq missiliorlugu 60 pct.-iulluni ukiumi atuarfiusumi 2016/17-iminngaanneerpoq. Maniitsumi Efterskoli naammassinnittarnermut procentimi annerpaamik qaffariaateqarpoq. Ukiumit atuarfiusumit 2013/14-imit ukiumut atuarfiusumut 2014/15-imit missiliorlugu 16 procentpoint-inik qaffariartoqarsimavoq. Naammassinnittarnermut procenti ukiumi atuarfiusumi 2016/17-imi missiliorlugu 76 pct.-iusimavoq. Kalaallit Nunaanni efterskolinut sanilliullugit Danmarkimi efterskolit annertunernik naammassinnittarnermut procenteqarsimapput. Ukiunili atuarfiusuni kingullerni tallimani appariartoqarsimavoq, tassani ukiumi atuarfiusuni kingullerni ukiumit atuarfiusumit 2012/13-imit missiliorlugu 91 pct.-imit ukiumut atuarfiusumut 2012/13-imit missiliorlugu 83 pct.-imut appariarsimalluni.

#### Ukioqatigiinni ataasiakkaat pingajuannit amerlanerusut efterskolernernik aallartitsisarput.

Ataani takuneqarsinnaapput ukioqatigiit 1995-init 1999-inut agguaqatigiissinneri, ukiut atuarfiusut 2009/10 aammalu 2016/17 akornanni efterskolini ingerlatsinerit aallartinneqartut aammalu unitsinneqartut tulleriaarneri. Ukioqatigiinni ataasiakkaani inuit amerlassusaat ukiup 14-inik

ukioqalerfiup naanerani toqqarneqarpoq, efterskolini atuartut ukiup efterskolernermik aallartitsinerup naanerani 14-it aammalu 21-t akornanni ukioqartarmata.

### Titartagaq 5. Aallartitsinerit aammalu naammassinninnerit agguaqatigiissinneri, ukioqatigiit malillugit



Nalunaarut: Kisitsisit Kisitsisaataasivimmi ersinngillat. Ukioqatigiit akornanni katillugit aallartitsinerit 38-t aammalu naammassinninnerit 41-t ilaatinneqanngillat, ukiup 14-inik ukioqalerfiup naanerani innuttaasuni allaqqanngimmata.

1995-imi inunngorsimasut missiliorlugu pingajorarterutaat efterskolernernik aallartitsisarput, ukioqatigiiaanilu agguaqatigiissillugu annikinnerpaapput. Ukioqatigiinni sinneruttuni 40 pct.-it sinnerlugit amerlassusillit efterskolini aallartissimapput. Aammalu 1998-imi inunngorsimasut missiliorlugu 47 pct.-iullutik atuartuni aallartitsisuni agguaqatigiissinnerat anginerpaavoq. Ukioqatigiillu taakkuupput aamma efterskolini atuartuni naammassimasut agguaqatigiissinneranni 37 pct.-iullutik annertunerpaasut.

Amerlassutsit qiviassangaanni ukioqatigiit 1994-iminngaanneersut ukiumi 14-inik ukioqalerfimmi 979-iullutik amerlanerpaapput, ukioqatigiinnilu 1999-iminngaannersut 813-iullutik ikinnerpaallutik. 1994-imi inunngorsimasut efterskolernernik aallartitsisartut aammalu naammassinnittartut amerlassusaat 319-iullutik aammalu 277-ullutik ikinnerpaapput. Ukioqatigiit 1996-imeersut efterskolernernik aallartitsisartut aammalu naammassinnittartut amerlassusaat 421-ullutik aammalu 331-ullutik amerlanerpaapput.

### Ataatsimut isigalugu

Ataani takuneqarsinnaapput ingerlatsinerit amerlassusiisa agguaaneri, ukioq atuarfiusoq aammalu efterskoli malillugit. Ukiut atuarfiusut arfineq-marluk ingerlanerini ingerlatsinerit 3.003-t kalaallit aammalu qallunaat efterskoliini aallartinneqarsimapput. Taakkunanngalu ingerlatsinerit 2.380-it naammassineqarsimapput.

**Tabel 3. Efterskolini ingerlatsinerit amerlassusaat, ukiuni atuarfiusuni 2010/11-mit 2016/17-imut**

	2010/11	2011/12	2012/13	2013/14	2014/15	2015/16	2016/17
<b>Efterskole Villads Villadsen</b>							
Aallartinneqartut .....	87	82	88	93	88	86	88
Ingerlatsisut .....	74	68	70	74	79	69	68
Unitsinneqartut .....	13	14	18	33	22	32	36
Naammassineqartut .....	74	68	70	60	66	54	53
<b>Maniitsumi Efterskoli</b>							
Aallartinneqartut .....	-	75	69	67	79	74	78
Ingerlatsisut .....	-	46	35	51	58	63	69
Unitsinneqartut .....	-	29	34	35	29	24	20
Naammassineqartut .....	-	46	35	32	50	50	59
<b>Qallunaat nunaanni efterskolit</b>							
Aallartinneqartut .....	283	259	282	307	282	265	271
Ingerlatsisut .....	253	235	257	253	246	224	243
Unitsinneqartut .....	30	24	25	54	56	51	46
Naammassineqartut .....	253	235	257	253	226	214	225
<b>Efterskolit tamakkerlutik</b>							
Aallartinneqartut .....	370	416	439	467	449	425	437
Ingerlatsisut .....	327	349	362	378	383	356	380
Unitsinneqartut .....	43	67	77	122	107	107	102
Naammassineqartut .....	327	349	362	345	342	318	337

Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<http://bank.stat.gl/UDDESA>, <http://bank.stat.gl/UDDESB>, <http://bank.stat.gl/UDDESC> aammalu <http://bank.stat.gl/UDDESD>).

Efterskole Villads Villadsenimi 2009-mi aasakkut ammarneqarneranit katillugit 680-inik ingerlatsinernik aallartitsisoqarsimavoq aammalu 513-it naammassineqarsimallutik. 2011-mi aasakkut Maniitsumi Efterskolip ammarneqarneranit aallartinneqartut 442-iusimapput aammalu naammassineqartut 272-iusimallutik.

## Periaaseq

Kisitsisini paasissutissani matumani naatsorsuinermi nalunaarsuutit najoqqutaralugit atorneqartut tassaapput:

- Ilinniartitaanermut Naalakkersuisoqarfiup Kalaallit Nunaanni efterskolini atuartunut nalunaarsuiffia
- Oqaasileriffiup Danmarkimi efterskolini atuartunut nalunaarsuiffia
- Naatsorsueqqissaartarfiup innuttaasunut nalunaarsuiffia

Kalaallit Nunaanni efterskolinut nalunaarsuutit atuarfiit aallartinneqarnerini nassaassaapput. Efterskole Villads Villadsen ukiumi atuarfiusumi 2009/2010-mi ammarneqarpoq aammalu efterskole Maniitsumiittoq ukiumi atuarfiusumi 2011/2012-imi ammarneqarluni. Ukiup atuarfiusoq 2010/2011 sioqqullugu qallunaat efterskoliini ingerlatsinerit naammassineqartut aammalu unitsinneqartut nalunaarsuuteqanngillat, taamaattumik qallunaat atuarfii ukiumi atuarfiusumi tassani aallartipput.

Ukiumi atuarfiusumi 2013/14-imi kalaallit efterskoliinut ukiup naanerani inissisimanermut ilisarnaammik ilanngussisoqarpoq. Ukioq atuarfiusoq taanna sioqqullugu Kalaallit Nunaanni ingerlatsinerit taamaallaat ukiup atuarfiusup naanerani naatsorsorneqartarput, taamaattumillu unitsitsineri piffissaq qanga pisimansoq uppersarnerqarsinnaasimanani, aammalu ingerlatsinerit naammassineqartut kisimik ukiup kisitsiviusup naanerani ingerlatsinertut atuuttutut isigineqarlutik.

Taamatuttaaq ukiumit atuarfiusumit 2014/2015-imit qallunaat efterskoliinut unitsitsinerimut ullorititamik ilanngussisoqarpoq, taamaalluni ukiumit atuarfiusumit ukiup naatsorsuiffiusup naanerani ingerlatsisut amerlassusaat kisinneqarsinnaalerpoq. Siornatigut ingerlatsinerit naammassineqartut kisimik ukiup naanerani ingerlatsinertut kisinneqartarput.

Efterskolernernut nalunaarsuutit naleqquttut ukiumi atuarfiusumi aallartinneqartut, unitsinneqartut naammassineqartullu malillugit agguanneqarput aammalu ingerlatsisut ukiup kisitsiviusup naanerani agguanneqarlutik. Ukiumi atuarfiusumi ataatsimi atuartoq ataaseq ataatsimit amerlanerusunik ingerlataqarsinnaavoq, takuuk tabel 4. Ukiorisat tamakkerlutik ukiup naanerani naatsorsorneqarput, aammalu 16-inik, 17-inik aammalu ukiunut allanut (16-inik inorlugit ukiullit aammalu 17-it sinnerlugit ukiullit) agguanneqarput. Naatsorsueqqissaartarfiup innuttaasunut nalunaarsuiffianit atuartut illoqarfik kingornuimmu atassuserneqarput, tassaalluni atualeqqaarnermi uuttuut nutaanerpaq. Atuartut atualinnginnermi innuttaasut nalunaarsuiffianni allassimangitsut kalaallit efterskoliini imaluunniit qallunaat efterskoliiniippata paasissutissaqanngitsuni naatsorsorneqarput.



Atuartut ukioq atuarfiusoq, efterskoli, suaassuseq, ukiut aammalu illoqarfik kingornuik malillugit agguaanneqarput.

Ataani tabelimi takutinneqarpoq ukiumi atuarfiusumi ataatsimi aallartinneqartut aammalu ukiumi atuarfiusumi ataatsimi aallartinneqartuni cpr-normut asseqanngitsut assigiinngissutaat. Ukiut atuarfiusut arfineq-marluk ingerlanerini katillugit 18-inik assigiinngissuteqartoqarpoq, taakkunanga arfineq-pingasut ukiumi atuarfiusumit 2014/15-iminngaanneerlutik.

**Tabel 4. Ingerlatsinerit aallartinneqartut aammalu inuit aallartitsisut asseqanngitsut, ukiumi atuarfiusumi**

	2010/11	2011/12	2012/13	2013/14	2014/15	2015/16	2016/17
Ingerlatsinerit .....	370	416	439	467	449	425	437
Inuit .....	370	415	438	463	441	424	434
Assigiinngissut .....	0	1	1	4	8	1	3

Nalunaarut: Kisitsisit Kisitsisaataasivimmiinngillat.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- \* Foreløbigt eller anslået tal

Saaffigineqarsinnaavoq

Gorm N. Pedersen

E-mail: gnpe@stat.gl

Ilinniartitaaneq

Grønlands Statistik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
www.stat.gl · e-mail: [stat@stat.gl](mailto:stat@stat.gl)

